

重修臨漳縣志卷之首

卷首

目錄 凡例 原序 原銜 原檄 圖

卷一

疆域志

四至 紀事沿革 村鎮 河渠 風土

古蹟

卷二

建置志

城池 街巷 祠祀 公署 倉廩 坊表

橋梁 善舉

卷三

賦稅志

人丁 地畝 科則 正賦 耗羨 漕糧

漕項 灘租 起運存留 雜稅 鹽引

學校志

學宮 學署 學額 學田 高等小學

初等小學

卷四

職官表

文職 武職

卷五

選舉表 上

薦辟 進士 舉人 貢生

武進士 武舉人

卷六

選舉表 下

文階 武階

封贈 襲蔭

卷七

列傳一

宦績

卷八

列傳二

名臣 忠節

卷九

列傳三

孝義 篤行 儒林 文苑 隱逸 方術

流寓

卷十

列女傳 上

孝婦 義婦 烈女 烈婦

卷十一

列女傳 下

節婦

卷十二

藝文志

記上

卷十三

藝文志

記下

卷十四

藝文志

詩

卷十五

藝文志

賦

卷十六

藝文志

雜志

卷十七

補餘

卷十八

瑣錄



臨漳縣志卷之九

列傳三

孝義  
方術

篤行  
流寓

寓林

五苑

隱逸

孝義傳

北朝  
齊 陸 卬

陸卬字雲駒少機悟美風神好學不倦博覽羣書五經多通大義善屬文甚為河間邢邵所賞邵又與卬父子彰交遊嘗謂子彰曰吾以卿老蚌遂出明珠意欲為羣拜紀可乎由是名譽日高儒雅播紳尤所推許起家員外散騎侍郎歷文襄大將軍主簿中書舍人兼中書郎

中以本職兼太子洗馬自梁魏通和歲有交聘印每兼  
官燕接在帝席賦詩印必先成雖未能盡工以敏速見  
美除中書侍郎修國史以父憂去職居喪盡禮哀毀骨  
立詔以本官起文襄時鎮鄴嘉其至行親詣門以慰勉  
之印母魏上庸公主初封藍田高明婦人也甚有志操  
印昆季六人並主所生故邢邵常謂人云藍田生玉固  
不虛矣主教訓諸子皆稟義方雖創巨痛深出於天性  
然動以禮度亦母氏之訓焉印兄弟相率廬於墓側負  
土成墳朝廷深所嗟尚發詔褒揚改其所居里爲孝終

里服竟當襲不忍嗣俟天保初常山王薦卬器幹女宣  
面授給事黃門侍郎遷吏部郎中上洛王思宗爲清都  
尹辟爲邑中正食貝邱縣幹遭母喪哀慕毀悴殆不勝  
喪至沉篤頓昧伏枕又感風疾第五弟搏遇疾臨終謂  
其兄弟曰大兄尪病如此性至慈愛搏之死日必不令  
使大兄知之哭泣聲必不可聞徹致有感慟家人至於  
祖載方始告之卬聞而悲痛一慟便絕年四十八卬自  
在朝篤慎固密不說人短不伐己長言論清遠有人倫  
鑒識朝野甚悲惜之贈衛將軍青州刺史諡曰文所著

文章十四卷行於世齊之郊廟諸歌多印所制子又嗣

襲爵始平侯

北齊書本  
傳新增

隋

陸彥師

陸彥師字雲房魏郡臨漳人祖希道魏定州刺史父子  
彰中書監彥師少有行檢爲邦族所稱長而好學解屬  
文魏襄城王元旭引爲參軍事以父艱去職哀毀殆不  
勝喪與兄印廬於墓次負土成墳公卿重之多就墓側  
存問晦朔之際車馬不絕齊文宣聞而嘉歎旌表其閭  
號其所住爲孝終里中書令河間邢邵表薦之未報彭

城王洸爲司州牧名補主簿後歷中外府東閣祭酒兄  
卬當襲父始平侯以彥師昆弟中最幼表讓封焉彥師  
固辭而止時稱友悌孝義總萃一門遷中書舍人尋轉  
通直散騎侍郎每陳使至必令高選主客彥師所接對  
者前後六輩歷中書黃門侍郎以不阿宦者遇讒出爲  
中山太守有惠政數年徵爲吏部郎中周武平齊授載  
師下大夫宣帝時轉少納言賜爵臨水縣男奉使幽薊  
俄而高祖爲丞相彥師遇疾請假還鄴尉遲迴將爲亂  
彥師微知之遂委妻子潛歸長安高祖嘉之授內史下

大夫拜上儀同高祖受禪拜尙書左丞進爵爲子彥師  
素多病未幾以務劇疾動乞解所職有詔聽以本官就  
第歲餘轉吏部侍郎隋承周制官無清濁彥師在職凡  
所任人頗甄別於士庶論者美之後復以病出爲汾州

刺史卒官

隋書本  
傳新增

唐

源光裕

源光裕乾曜從孫亦有令譽厯職清謹撫諸弟以友義  
聞初爲中書舍人與楊滔劉令植等同刪定開元新格  
厯刑部戶部二侍郎尙書左丞累遷鄭州刺史稱爲良

吏尋卒

節唐書源  
乾曜傳

元

張政

張政六世同居家四十餘口懽然各守禮法族黨稱羨

有司以事聞旌表其門曰張氏孝義之門

府志

明

袁寬

馮崇儒

孫偉能

袁寬字克仁張村二里人蚤遊邑庠未遂厥志既而為

邑掾任遼東廣益倉大使秩滿歸至中途聞母温氏故

悲痛幾絕徒步而行不入家門竟造塋所廬墓三年時

值荒歉盜至塋旁曰此孝子也不可驚動邑宰陳益稱

其孝行偕僚佐造墳獎異之服滿授望江縣雷港口巡

檢

舊志

馮崇儒臨漳人天性至孝父卒哀戚盡禮廬墓三年又善醫萬厯十五年瘟疫大行施藥全活者甚衆人咸德

之

府志

孫偉能臨漳人幼失怙恃事繼祖母克盡孝道里中荒歉輸粟以濟不責其償蓋孝而兼惠者

府志

王道昇本縣東羊羔莊人博古好禮事親能孝雖處貧乏必竭甘旨母卧病數月晝夜不離左右湯藥必嘗以



進遠近稱孝

舊志

呂可瞻本邑諸生母病中熱夏月思冰因泣求藩府趙王取冰飲焉母病尋愈時值秋闈母再三促之就道臨塲忽覺心動遂急歸省母果又病醫禱兼至不解衣帶者累月及歿哀毀幾殆夢神告曰上帝賜汝子以科第矣後子延年果登癸卯秋薦

舊志

周邦毓臨漳人任羅山訓導性至孝父旋愛其壻宋儒令與二子均分家產其長難之邦毓承父志遂自割其半資儒肄業父喜曰真孝子也後儒登進士成名父官

山東適邦毓婦翁任山西兵備妻隨之任邦毓獨侍父

山東妻病甚招之不至嫡母劉病邦毓顛天願盡焚所

負券以祈母壽母病尋愈及訓羅山時繼母馮疾篤兩

臺交薦上有日矣邦毓決意奉母歸里馮臨訣囊金百

兩命遺其內家邦毓泣然從之天啟七年守令以其事

聞祀鄉賢孝子兩祠府志

國朝

張好仁

谷鳳鳴

李得周

發家

張豹

馬登魁

羅羗

李纍珠

呂世祥

馬銑

杜養蒙

李月桂

郭傅宸

徐秀升

杜繩祖

杜念祖

張憲唐

孫桂林

張鳳崗

張日華

李含春

侯俊傑

李命

張好仁臨漳人父卒廬於墓旁繼母病劇藥餌不效籲天請代學使旌表

谷鳳鳴臨漳人事繼母曲盡孝養弟歿撫姪如子舉儒官鄉飲大賓

李得周臨漳人一歲喪父母王氏苦節撫之得周性孝及母死廬於墓側負土成墳有司旌其門

發家臨漳人丐者也母寡弟癡發家行乞城邑所得多不食歸取精潔者奉母次以飼弟弟食之盡則喜母嗔弟多食欲節之發家曰彼癡當使食飽兒飢自能尋食

自後遇所得寡必先白母曰兒已飽矣悉以飼弟率爲常發家死母哭之曰天乎胡奪我孝兒耶

張豹臨漳人幼孤而貧養其母終身無違寒煖之宜晨昏必問充縣礮手日出給役食時必歸視其母年六十餘未嘗一日離也母病不解衣者半載母死作嬰兒泣不休

馬登魁臨漳人家貧爲人種地事母孝一日母病思肉弗得登魁割左股以養越日母痊鄉耆以聞邑令表其廬

羅羨字二美郡庠生以孝友稱父歿與兄析箸戀戀不忍兄家中落自生迨卒周旋經理情禮備至五子俱列鄉校年八十八舉鄉飲賓

李纍珠字端如臨漳人成童時母疾晝夜不解帶族眾異焉己卯登鄉薦丙戌捷南宮選德平縣令以教養爲治捐俸勸民鑿千餘井溉田民賴之比於鄭渠歸田後閉門卻掃一以詩書爲事所著有歸吟草四書就正編舉鄉飲正賓年九十六

呂世祥乾隆癸酉科舉人孝親承志中式後父歿事母

尤謹貧苦舌耕雖糟糠不厭必爲母謀甘旨母或有所往必執鞭隨驢後遇親友不慙也居母喪哀慟動於鄉里壬辰會試分發江蘇歷任婁縣松江府同知廉潔愛民以老改滑縣訓導卒於官

馬銑臨漳人曲盡子職終天之後廬墓三年

以上府志

杜養蒙字端之邑諸生幼穎異讀書數行俱下性孝友兄與弟皆早世撫其遺孤父之母之而師保之二姪同入邑庠時人稱爲長者舉鄉飲正賓

李月桂字效吳邑廩生性孝友自少出入飲食必讓兄

先出爲伯嗣往來兩家日數次寒暑無間事親能得歡心嗣父母忘其爲後也者生父母亦忘其爲人後也父母卒迎養生父母爲諸兄置田宅甘旨共之家庭之間斷斷如也其子孫束身修行皆能守家素云

郭傅宸善岐黃無貧富輒醫之性至孝母卒事繼母尤虔母弗諒怒之父亦怒屏諸外問視無怠父卒母始感悔招與同居同治間寇至傅宸攜一子一姪策蹇遠竄念追及難兩全乃棄子抱姪時人謂鄧伯道不能專美於前

徐秀升邑諸生宋宣議郎崇之苗裔也崇與相國文文山友善文山爲書家譜並序今猶存秀升甫弱冠爲邑廩生工古文詞究心經世之學最知名然性至孝不欲須臾離膝下遂棄舉子業家居授徒常數十人母最憐貧士秀升輒資以薪米非富室子弟不取脩焉年四十年餘貢太學猶時爲嬰兒哢作童子戲以娛親

杜繩祖太學生幼穎敏性孝友以家業中頽遂棄儒理生計無子令姪輩十人皆就學而入邑庠者八親黨貧士藉其資助成名者甚夥



杜念祖字蓋臣邑諸生性仁孝友十二喪母哀毀如成人  
父有不懌必多方慰勸俟解乃已出爲伯父後養送如  
本生事兄敬年六十餘執弟子禮如童時友愛諸弟母  
尤鍾愛受讀時恐以夏楚致親不樂則嚴撻諸子藉以  
示警以故弟與子姪八人皆成學小心敬畏晚年彌篤  
喜五種遺規箴銘滿座右治家接物皆式之子憲以在  
家門升車痛責其非禮少年佻脫見卽肅然其感人如  
此與家人言常舉古事內外化之閨中翕然人不知其  
女也婦也修齊之效又如此乃命其子懋輯女規類注

一卷憲中癸卯亞元

張憲唐邑之張探花村人少溫馴友愛家故貧叔祖母子天無嗣欲立之謀諸其父父欲以其弟嗣而使兄弟均其產弟諾之徙居焉弟娶婦背約憲唐移歸種圃自給弟又不養其父父怒欲訟之憲唐號泣諫阻以雞黍海錯奉親而自食粗糲家漸裕嘗與弟同行弟病涉乃褰裳負之毫無芥蒂父卒竭力營葬弟亦愧悔子士修入邑庠

孫桂林邑洪善村農民也與伯叔同居食指三十餘咸

豐間大饑桂林悉出其妻之阿堵匱具易粟家獲全弟婦產子而亡命妻字之無乳日於南顯王村覓乳往來數里抱兒日數往及長始免諸懷

張鳳崗性純謹事繼母孝承父囑不析居年五十餘在兄前出告反面雖晚歸必隔戶牖呼兄復命持身儉約有義舉必黽勉爲之拾遺物必宣示以俟其人雖曰未學不失爲君子

張日華與兄日新甚友善幼失怙事母孝妻李不能得母歡遂出之母患癱卧牀六載藥餌轉側下至污穢皆

身親之無停趾數年如一日母憐之思婦始迎歸爲夫婦如初

李含春字蘊卿性敦篤少業儒治宋學能得其竅要時

家中多故父憂鬱成疾含春理家井井父志以舒有弟性癡憨方成童弗辨菽麥至十八瘧疾後腹有癥醫弗效復患顛漏醫仍弗效乃考醫書訪名醫治之愈而復發者三求醫煎藥無間寒暑晝夜者凡三年弟卒不起含春以勞慟過節亦早卒時論惜之

侯俊傑邑農民事母孝母憂亦憂母喜亦喜雖污穢之

役皆身任之不以假人

李命邑李家莊人家貧未學躬耕養母母病思肉無可  
市乃割股以進其愚孝有足多者

以上采  
訪新增

巴江集元

卷之九

篤行傳

宋金

薛居中  
張仲周

薛居中字鼎臣臨漳人泰和癸亥進士第性剛明果斷

所至著稱貞祐兵後至京調登封令有善政

府志

張仲周字君美性純靜終日默坐無戲談不臧否人雖

休沐惟覽誦經史登泰和丙寅進士第拜監察御史後

授太府監丞出納之際秋毫不犯常至冬月監萃取木

炭皮為仲周用仲周曰此終是官物乃却之監人服其

廉潔

舊志

明 劉潔

王章

張璟 趙啟宋

李春 孫之璧

馮壽

劉潔臨漳人正統年貢生任貴池知縣巡行郊野勸課

農桑提學御史檄列貴池名宦

府志

張璟臨漳人成化乙未進士任潞城知縣清慎勤幹吏

畏民懷建學修壇百廢具舉民立生祠祀之歷官太僕

寺少卿

府志

李春字叔東通政秦之弟嘉靖甲午與秦同舉於鄉授

霍州知州賊楊甫等橫行劫掠春督兵與戰斬首數十

級賊乃敗奔招降無辜全活甚衆民立生祠陞太原同



知時平陽礦賊竊發復調平陽卽陳防禦之策十餘條  
礦賊聞風遁伏以才畧薦陞山西僉事飭兵宐武關會  
敵入陷石州石隸岢嵐道春與男喬植督兵追逐數百  
里外斬獲頗多御史某私庇岢嵐兵備欲移功與之強  
春不可銜之春遂解任還里

舊志

馮壽字以仁羊羔社人蚤習詩書隱德不仕永樂初時  
值蝗旱邑民大饑壽慨然輸麥一千二百石於官以賑  
之民賴以活邑令蘇君信以事聞詔旌表其門曰義民

馮壽之門

舊志

王章邑庠生居東羊羔莊時崇正十三年大饑地方多盜有緝獲其醜類而殺之者亦有誣捏平人而寃死者崇勝寺有四僧樸野寡合遂爲衆惡所誣將殺章不避權豪力辯得釋至今鄉閭傳之

舊志

趙啟宋字孟興十里社人舉人趙承芳子萬曆三十五年漳河兩徙禾稼盡沒邑民枵腹宋慨然捐粟一千二百石于官以賑之民賴以存邑令田應召以事聞兩院

題建義坊旌表

舊志

孫之璧年幾八旬庭無一字崇正十三年邑大饑輸財

賑濟毫無矜色後舉鄉飲賓里閭至今稱之舊志

國朝

姜佐周 孫于璜 董璿 王仁民 王

李長庚 孫汝 劉受益 呂來陽 杜仁麟

王燕曾 劉金聲 李定麟 倪克誠 王頤莊

呂金鏡 馬九韶 梁益美 孫博鑑 楊鼎陞

姜佐周字鼎臣臨漳人性恬靜好讀書順治乙酉薦賢

書辛丑成進士親課種植以事父母好施與解推不倦

鄉黨有長厚之風嘗曰行德者身安之為善者心樂之

若行一德為一善務彰責報是販賈也疾亟口不能言

猶書吃虧二字示其子又嘗言人欲作濟人利物事當

待時來惟不欺二字可以常守歷舉鄉飲正賓府志

孫于璜字渭公邑太學生少孤事母以孝聞性慷慨待舉火者甚多凡婚嫁喪葬力不給者悉助之客於門下者常數十輩衣之食之其人不言去璜亦不遣有流民李姓鬻妻爲姦媒拐遁泣道旁幾不欲生詢其價值贖

回令完聚

舊志

董璿字玉衡家素貧手闢田數千畝自奉儉素而重義輕財先是里中荒歉璿罄數年積困戶給之粟不責償亦不問其姓氏賴以安堵者數十村越數載歲復歉好施之心不倦如前候選通判未仕而卒八子皆列雍庠

長子五行能承父志季子五瑞秉鐸中牟興學愛士陞

深澤令

舊志

王仁民臨漳人磨豆腐爲業其子於門外拾白金十餘兩仁民告之鄉鄰適失金者至卽給還之邑令獎以匾

額

府志

王卿蘆村莊小屯村人與弟律有勇力豪俠尙義順治初流寇作亂鄉里賴其護衛又從征房邑多立奇勳律爲賊所困負重傷兄救得免後賈范縣值寇餘黨攻城卿與律出鬪殺賊十數人乃散去事聞卿授車旗關千

總

舊志

李長庚字再白號蓮菴居郝村戊寅拔貢戊子舉人已丑進士選閩中安惠令邑有南北斗會分類多持橫爲患甫下車廉得實擒渠魁置法羣解散民害一除辛丑臺灣小醜梗化惠濱海村愚頗畏風鶴撫綏帖然制憲聞其智勇調詣帥幕諮以機宜全臺蕩平復委署南靖安輯亦如惠邑以外艱旋里民頌去思初知縣陳大玠爲諸生時常受知及令臨公廨一見卽攜眷去之磁州授徒自給足跡不履公庭陳令懷舊惠有所饋輒卻之

已酉

恩諭不拘資格保薦才品兼優一人陳奉檄欲薦焉堅

以疾辭其恬澹如此

本舊志

孫汝附貢生慷慨好義康熙壬寅出粟賑饑一方賴以全活承父志捐義田二百畝以爲祭祀及族中孤貧之資又設義塾四方貧家子弟皆令就學建文昌閣魁星樓皆獨任之後任光山訓導

劉受益武庠生慷慨好施焚券之舉三載一行每遇大祲輒出所蓄以濟貧乏鄉民稱道弗衰

呂來陽性寬厚急人之急貧難娶葬知必有助無業者  
資令謀生度負者不能償必焚券曰恐子孫持此破人  
家耳喜排解勉人以善嘗謂吾儕多一分誘導則公庭  
少一分爭端鄰里靜謐此卽所以報國也及卒里中罷  
社行路潛然

杜仁麟性和順幼失恃事繼母以孝聞視兄弟之子猶  
子也處鄉黨釋紛排難推食解衣苟可盡力必爲之道  
光間漳河決泛溢數十里路梗乃獨造草橋夜則焚膏  
以照宵濟遠近德之



王燕曾字毅園嘉慶戊午舉人性慷慨因親老淡仕進  
教人以小學爲本喪祭一遵古禮告以緩急竭力捐助  
不望報也漳河南遷田廬漂沒待斃者數千家確查頃  
畝得豁免民困蘇大挑一等呈請改教旋選固始訓導  
修文廟置祭器采報節孝裁革陋規教士以敦品勵行  
爲宗後升懷慶府教授

劉金聲字條甫父昇平任湖北荊州通判有政聲金聲  
幼慷慨喜利濟道光初署秦州直隸州勤聽斷多平反  
上憲深重之適因狃逆奉委辦理行營文案籌策悉合

獨平加三品銜聞母喪一痛幾絕盡七晝夜之力馳抵里門蓋相距四千餘里云旋丁外艱遂不仕惟以濟困扶危爲事建義塾成就甚多凡四方落拓不羈之士無不竭力資助親鄰有急知必助之不待告也歲歉除捐助官賑外仍於本村煮粥遠近賴以全活

李定麟字昭靈江蘇知縣德溥父性和易無城府與人相接雖奴隸微賤未嘗以疾言遽色加也鄉鄰有爭一言輒解好施與值歲饑鄰村有鬻妻者叩其故以無食對令無鬻乃舍之給其食俾爲傭後稱小康有佃田者

負欠累累猶仰給焉或勸遣之終不忍乃助之資使市牛種佃如故道光丁未戊申歲大饑設粥賑之家非素封猶典衣質產以濟全活甚衆及就養江蘇丐者病者見輒周之年八十二卒猶以力行善事勉子孫

倪克誠增貢敘訓導性慷慨好施惠徧鄉閭難指數先是邑中貢院考棚久圯遇試士及月課於縣署大堂前以葦席作棚暑雨祁寒諸生苦甚乃捐城中西街房舍一所可值數千金以作書院考試之地廣廈旣啟寒士歡顏矣以子書林官 贈資政大夫

王頤莊字曉渠道光癸卯中魁選性友愛癖嗜經史不  
仕主講邯鄲書院裁成甚衆咸豐初漳水決倡堵塞文  
廟圯倡修葺家非素封竭力倡捐卒底於成同治六年  
捻匪北竄邑令駱舉辦團防修城垣分任庶務必竭心  
力其急公好義多類此性忍讓鄉鄰有爭一言輒解則  
其感人深矣

呂金鏡性倜儻多權術同治間捻匪擾山左逼近肘腋  
乃修城使鏡董工與城者同操作衆憂其難速成也鏡  
獨易之問故不答明日具牛酒勞役人皆歡抃至晚持

竹杖較長短而區畫之卽爲標識戒曰明日以此爲率不及者罰衆踴躍無不一當十不日而成衆皆服嘗途行遇凍者問之曰母病質衣市肉故至此鏡曰汝能孝吾何惜一袍卽解羊裘與之亦不問其姓字

馬九韶邑廩生言行方正教授嚴厲裁成甚衆性急公好義曾監修巒宮道光二十三年河決段汪村與生員劉德彰倡義堵塞所全活者以萬計

梁益美邑武生援例捐守備職銜性慷慨好施鄰里有不能婚葬者必竭力經營論者比之郭解同治時捻匪

臣海縣志 卷之六  
北竄邑侯駱謀修城垣卽輸錢三千緡以爲倡故工得  
速成邑人賴之保加都司銜光緒四年歲饑出藏粟數  
百餘石全活尤衆邑令以事聞加三品銜

孫博鑑字明之性篤摯少從彭封君遷道遊學有根柢  
山陰金璞園先生琳主講邑書院又裁成之冠童軍學  
使深器之有國士目屢試不第璞園爲閩尤溪令邀入  
幕未周歲紅巾賊起璞園死之食客家丁各逃散獨冒  
石矢出奇計保其眷屬送還籍並狀其死事之概籲懇  
當道得 題請建祠於尤歸里後邑人皆仰望之凡興

利除害濟困扶危罔不竭盡心力髮捻猖獗知縣駱練  
民團修城郭皆倚之如左右手故烽煙彌望而此邑獲  
全光緒四年大饑奉檄散粥咸推總其事南北二廠災  
黎萬計或米運梗塞則告糴貸粟一身施措數閱月未  
常闕乏全活萬計以賑務過勞患偏枯尋卒子學海學  
瀚以賑務俱叙縣丞

楊鼎陞邑增生居柳園有膽識同治六年捻匪張總愚  
等由彰郡北竄破瓦店蘇齊馮徐等寨屍相枕藉復圍  
柳園多要索否則屠之園中驚惶幾潰鼎陞設備激勸

之始定乃開北寨門與二子出單騎入賊陣喻以禮義  
言辭慷慨賊壯之且懼有伏焉乃解去寨中賴以全活  
以上采  
訪新增

羅瑞張村集人性慷慨好義急公雍正中邑令陳大玠  
因縣城逼近漳水倉廩時虞漂沒議於張村建長春倉  
即將祖遺地十數畝捐充地基不受價值生平義舉不  
可殫述

倪書林字化愚性和厚喜施與濟困扶危千金不吝同  
治中髮捻擾豫境捐資設防保衛鄉閭所居逼近漳河



儒林傳

隋 陸爽

陸爽字開明魏郡臨漳人也祖順宗魏南青州刺史父  
槩之齊霍州刺史爽少聰敏年九歲就學日誦二千餘  
言齊尙書僕射楊遵彥見而異之曰陸氏代有人焉年  
十七齊司州牧清河王岳召爲主簿擢殿中侍御史俄  
兼治書累轉中書侍郎及齊滅周武帝聞其名與陽休  
之袁叔德等十餘人俱徵入關諸人多將輜重爽獨載  
書數千卷至長安授宣納上士高祖受禪轉太子內直

監尋遷太子洗馬與左庶子宇文愷等撰東宮典記七十卷朝廷以其博學有口辯陳人至境常令迎勞開皇十一年卒官時年五十三贈上儀同宣州刺史賜帛百匹子法言敏學有家風釋褐承奉郎初爽之為洗馬嘗奏高祖云皇太子諸子未有嘉名請依春秋之義更立名字上從之及太子廢上追怒爽云我孫製名宜不自解陸爽乃爾多事扇惑於勇亦由此人其身雖故子孫並宜屏黜終身不齒法言竟坐除名

隋書本傳

國朝

劉游

晉

劉元勳  
馬朝幹

彭大鵬  
彭遷道

王荷興  
羅維藩

孫爾楨  
孟芳鄰

孟詞宗 李德溥 彭九思

劉晉字仲昭臨漳人任盧氏教諭陞長子令潔己愛民  
爲治嚴常平反大獄雖大吏主之不少狗落職歸初晉  
承家學枕藉經史及長遊都中師仇滄柱故學有源本  
至老以讀書爲事終於家

劉元勳字銘甫臨漳人幼時有神童之目及長從外祖  
寓鷺湖招之逾年旋里而學益進手抄白鹿洞規孫徵  
君理學宗傳身體力行丹徒王書年督學豫與語邵子  
經世大悅畧師生之分而隆以賓禮由是名益藉藉辛

已成貢士先是丁外艱勺水不入口者三日朝夕上食  
悽愴恍惕三年如一日事母稍有憂色輒不食務曲獲  
其歡心而後安著有易經集解皇極經世衍諸書

彭大鵬字駿升臨漳人少貧力學日食不給經冬無衣  
被常苦讀達旦入郡庠旋食餼屢薦不售以歲貢太學  
性古直爲學確守程朱與人不少徇流俗教授鄉里四  
十年力行朱子小學見者無情容終日闡發經旨善開  
人意鄉人稱爲長者後舉鄉飲著有四書辨譌晚翠亭  
經義子二長殿元領壬子鄉薦次應麟甲子解元皆負

雋才凡所讀經書皆鵬口授應麟才性尤絕善詩賦鄉薦後五年而死鄉里深惜之

王荷興字熙載臨漳人貢生幼習舉業有文譽晚從孫徵君夏峰遊闡濂洛關閩之祕以體天理爲宗持躬方正重然諾慎嘖笑被其容接者不敢犯亦不忍欺丁內外艱及祖母喪屏絕浮屠殮葬一遵朱子家禮哀毀骨立如不勝喪邑令以純孝榜其門

以上府志

孫爾棫字天木邑諸生七歲失怙恃育於繼母及長以孝聞後受學於孫夏峯先生叩朱陸同異卽棄舉業惟

潛心於身心性命之學家初貧善治生務盡地力闢田數千畝撫諸姪成立復均其產性好施見義必爲兩贖良家婦女入青樓者送還籍尤愛獎掖後進有王某因貧廢學爲縣小吏月給粟佐讀卒成膠庠佳士以篤行四舉鄉飲賓疾篤命子汝仿范文正法置義田族黨賴

焉

本舊志

呂游字樂天邑煙落寨人貢生任南陽訓導性肫篤於桑梓興利除害意尤摯初漳河數徙乃築隄堵水民罷於役莫能除也爲著衡漳考有開渠築隄等篇極言隄

工之弊乾隆二年大名分府往查漳河源其從者崔廣  
有歸述之與水經異今皆采入藝文河渠乙未夏河決  
小柏鶴又決朱家莊盛暑興工甚騷擾乃以衡漳考呈  
周君元謙上大憲役乃罷民困蘇其後上憲屢欲復隄  
王君允楚王君果姚君柬之皆取此書上之卒得請著  
述甚富有小學及算法等書

馬朝幹字直卿嘉慶辛酉拔貢人品高潔學業純粹有  
陸象山六經註我之意其徒數百成名者衆二十三年  
安陽尤家莊決口淹及臨境與千總郭萬祿監生張家

彥捐資堵築子四長康衢廣西柳城知縣有政聲次坦  
衢庠生雲衢歲貢遙衢道光丁酉拔貢確山教諭孫晉  
明同治甲子舉人修邑城甚力皆能承家學名藉一時  
彭遷道字崇德國學生純篤嗜學七歲時見羣兒誦讀  
悲哀不去求師指授試以句讀隨口成誦奇之令就學  
稍長學益力經史語錄靡不窮究考据義理合觀其通  
最嗜易春秋三傳綱目近思等書丹黃悉徧欲別有撰  
錄而多未成書獨以春秋聚訟紛如三傳既有穿鑿後  
儒益多附會謂一無義例何以文學游夏莫贊一辭若



謂無非義例彼日月名字何關褒貶啖助之釋例旣不可通荆公之斷爛亦爲太過乃蒼萃衆說而折其衷著春秋質疑行於世一洗墨守舊說之習而後膏盲鍼廢疾起矣不屑舉子業以躬行實踐爲本平居正襟兀誦舉止言笑皆有矩度待人寬恕而訓學嚴成就甚衆長子九思官涪川教諭博學篤行次子九齡以進士官山東知縣治行稱最洊升知府孫曾登顯仕博高科皆其德教所致也年七十七卒 贈通奉大夫又著癡齋贅語未梓

羅維藩張村人郡庠增生性純正敦品勵行言笑不苟  
好讀書析朱陸之異同闡馬鄭之隱奧獎掖後進多所  
成就著有詩義會要尙書擇要左傳約要諸書待梓  
孟芳鄰字芝庭幼入塾問師曰學欲何爲曰作官曰止  
此乎曰學作好人由是束身規矩行止必端師異之稍  
長與族尋梅詞宗同肄業晝錦書院府尊俞亟賞之名  
噪甚時稱臨漳三孟年二十補博士弟子性至孝不願  
離侍養教授於家徒衆舍莫容采芹掇科者以百餘計  
生平爲學無漢宋門戶惟擇其說之長者從之最好近

思錄通鑑綱目丹黃披繹不去手以爲立身行事之準  
不外乎是好講論終日不倦或勸節之曰我自樂此不  
惟不疲心神轉暢及病猶集其徒討析疑義口占詩文  
謂以代藥餌云卒門人私謚曰端

孟詞宗初名希孟字禮門父祖耀性篤誠謂明理知命  
立品勵行非讀書無從取法故督課子弟甚嚴詞宗幼  
穎異日數行下道光丙午舉於鄉同治壬戌成進士以  
知縣分發山西權嵐縣旋丁內艱甚哀毀服闋補介休  
縣知縣乙亥鄉試同考官署靜樂旋調補絳縣歷任四

邑清勤自矢惠政甚多其最著者先是趙城有巨案久弗結大憲命往一訊而服在介休俗多發塚賊嚴治之遂戢任絳縣時旱災稟請停徵賑濟全活無算匪徒王滿澤等乘機竊發饑民從之勢岌岌率勇役數百掩不備急捕之誅二魁餘解散時各邑大擾絳獨安堵餘如勤訟牘革陋規起廢墜興利除弊治於一時稱最及去民皆立碑誌德祖餞數里而天性敦篤淡宦味呈請改教及歸清貧如故主講本邑書院旋選歸德教授裁成甚衆邃經學尤嗜易年七十餘猶手不釋卷嘗謂一日

不讀書便覺人生無味其力學如此

李德溥字伯泉性純樸廉謹粹宋學於先正慕陸清獻之爲人植品勵行一式圭臬咸豐戊午舉於鄉同治乙丑成進士以知縣分發江蘇旋補宿遷令宿俗悍多盜赴鄉勘驗每鬧廠毆官前任戒備嚴猶不免乃與民相見以誠每遇此輕車減從除正凶概不問嘗謂從役多則約束難周喝駭鄉愚需索規費致爾爭鬧民雖悍亦官釀之也聞者歎服又謂治盜宜清巢穴乃倣置鐸設鼓法一村有警各村皆出一村有盜鄰族皆坐擒渠魁

數十人盜斂迹宿無棉女不織設桑棉局購紡具招織  
工教之利遂興書院久廢親勸獎之創清節堂養貧寡  
修邑乘六塘河久壅塞督民濬渠培堤甲戌河果決上  
游下游甚暢皆無恙薛廉訪書常見之歎曰作州縣能  
惠數郡我輩愧死矣旋調甘泉民攀轅泣不能行由間  
道去甘號繁劇不延代審員亦無廢事明年夏蝗各屬  
諱之獨設捕蝗局令民以蝗易值鄰邑獻蝗者司事靳  
之乃笑曰捕蝗豈分畛域耶且使鄰無蝗吾尤快命給  
之竟不爲災時有妄傳翦髮印臂以惑民者大吏故張

之遺小腹按治多殺無辜乃廉其寃者弗捕曰凡譎言  
皆可以鎮靜持之則民不惑而煽誘窮矣官張皇民不  
滋甚耶殺人媚人吾弗能爲矣某聞基之因中暑卧數  
日遂以平原獨無淮陽卧治免官貧不能歸有同年董  
對廷素以道義相切劘贈金數百旋里屏世務惟養親  
求道授徒自給布衣疏食見者弗知其爲牧令也著有  
蛾術齋詩文集三卷宦海一勺二卷

彭九思字誠一性嚴正爲崇德封翁長子幼承庭訓於  
書無所不讀尤邃六經與弟九齡共以學行相敦勉並

早知名時有元方季方之目顧數奇甚九齡日以進士  
登顯秩而公始食餼遂絕意仕進惟以脩身講學爲事  
教授生徒多所成就其弟子無論賢愚類皆方行矩步  
尤能以德感人與居者悉化善良後任涓川教諭訓迪  
有方士林悅服任滿歸卒於家著有文稿若干卷待梓

以上采  
訪新增



文苑傳

隋

杜正玄  
侯白

杜正藏

杜正玄字慎微其先本京兆人八世祖曼爲石趙從事  
中郎因家於鄴自曼至正玄世以文學相授正玄尤聰  
敏博涉多通兄弟數人俱未弱冠並以文學才辯藉甚  
三河之間開皇末舉秀才尙書試方略正玄應對如響  
下筆成章僕射楊素負才傲物正玄抗辭酬對無所屈  
撓素甚不悅久之會林邑獻白鸚鵡素促召正玄使者  
相望及至卽令作賦正玄倉卒之際援筆立成素見文

不加點始異之因令更擬諸雜文筆十餘條又皆立成而辭理華瞻素乃嘆曰此真秀才吾不及也授晉王行

參軍轉豫章王記室卒官弟正藏

隋書本傳

杜正藏字為善尤好學善屬文弱冠舉秀才授純州行

參軍歷下邑正大業中學業該通應詔舉秀才兄弟三

人俱以文章一時詣闕論者榮之著碑誄銘頌詩賦百

餘篇又著文章體式大為後進所寶時人號為文軌乃

至海外高麗百濟亦共傳習稱為杜家新書

隋書本傳

侯白字君素陸爽同郡好學有捷才性滑稽尤辯俊舉

秀才爲儒林郎通悅不恃威儀好爲誹諧雜說人多愛狎之所在之處觀者如市楊素甚狎之素嘗與牛弘退朝白謂素日日之夕矣素大笑曰以我爲牛羊下來邪高祖聞其名召與語甚悅之令於秘書修國史每將擢之高祖輒曰侯白不勝官而止後給五品食月餘而死時人傷其薄命著旌異記十五卷行於世

隋書本傳

宋 金 酈 權 酈復亨

酈權字元輿臨漳人父瓊仕至武宣泰宣二軍節度權善爲詩與王庭筠党懷英等齊名登大定十年進士仕

至著作郎府志

酈復亨權之子登太和丙寅進士衛州教授官至編修

府志

國朝

李繼白白湖 陳策 王奠鼎 王元鼎 王鴻鼎  
呂黃鐘 焦玉綸 榮乙楷 李澤芹

李繼白字荆品臨漳人順治乙未進士授山西陽城令

以循卓著陞戶部主事詩酒自豪有青蓮之風府志

陳策字佑明臨漳人順治戊戌進士授衢州司李執法

嚴明豪強斂跡督臣有廉生威威生明之薦分校浙闈

所得皆知名士府志

王奠鼎字安九號洛川家貧力學詩歌詞賦無不擅長  
歷任沈邱訓導永甯教諭南陽教授後陞浙江定海縣  
丞年老恥五斗米折腰遂賦歸來日與兩弟元鼎鴻鼎  
徜徉笑樂參證道義至八十一歲曰吾九九之數已完  
可還造化故物吾將逝矣尋沐浴衣冠談笑而殂舊志  
王元鼎字梅公卽奠鼎弟家貧嗜學晝夜不倦雖藜藿  
不充言笑自如後考訓導未仕子璠丙戌舉人舊志  
王鴻鼎字漸磐臨漳人博極羣書善屬文工詩賦舉崇  
禎庚午鄉試

國初授桂東知縣以抵任違限降調歸里逃名禪學著

半龕居詩草士類重之

府志

白朔字雲卿臨漳人順治中鄉薦以文章名鄴下人士

咸師事所著有四書易經羣言折衷香山文集

府志

呂黃鐘世祥之子也邑庠生十歲能文後究心經史不  
事舉業工古文辭步武漢唐詩詞莊雅清秀出自天然  
時人比之錢香樹先生

焦玉綸明古寺村人嘉慶戊辰舉人幼聰穎家貧攻苦  
益力夜以達旦倦輒憑几假寐爇香束指上香盡爍指

猛省仍讀領鄉薦後勵品植行楷模後進成就甚衆所著詩文多散軼

榮乙楷字用之幼卽刻勵家貧出負耒而入橫經卒成學工帖括中道光丙午經魁以母老不仕教授養親善誘迺一經指授雖至愚皆能奮發成就尤夥所作文藝膾炙人口今沒四十餘年矣偶聞稱述尤令人攘臂奮興贊美弗置著有範亭文集

李澤芹字獻臣幼穎悟喜讀書八歲能詩稍長學益力自經史子集至百家雜說靡不流覽每得未見書卷弗

終弗輟也年十八冠童軍學使器之有錚錚佼佼之譽  
性孝友家貧與兄澤棠授徒養親兄卒撫教兄子貽紳  
成學境益窘學益力枵腹高吟怡然自得工詩古文尤  
敏捷雖舟車劇場援筆立就嬉笑怒罵皆成文章又能  
爲四體書雕蟲繪事一見卽工後舉丁酉選拔以不喜  
爲帖括侘傺以終詩文多散軼

以上采訪新增



隱逸傳

漢 臺 佟

臺佟字孝威魏郡鄴人也隱於武安山鑿穴為居采藥  
自給建初中州辟不就刺史行部乃使從事致謁佟載  
病往謝刺史乃執贄見佟曰孝威居身如是甚苦如何  
佟曰佟幸得保終性命存神養和如明使君奉宣詔書  
夕惕庶事反不苦邪遂去隱逸終不見

後漢書  
本傳

宋 金 蓋 椿

蓋椿字壽之其先上黨人五季亂徙居臨漳年十三南

北兵起大饑人相食椿市豆腐買米以奉母兄既而寇盜充斥與妻兄趙德用據留村木柵以自保避難者多依之衆至萬人亂定椿皆貲送還鄉里率妻子居留村剪茅植樹構舍墾田以爲世業起家塾延師以教弟子張郎中傑張內翰佩玉樂文學仲和前進士王麗卿皆敦請焉彰德郡守欲以邑宰召之堅志不起葛巾藜杖逍遙林壑耕桑有餘則周鄉黨親舊之貧者以奇方療惡疾多驗子孫繁盛爲鄉人仰慕名其燕堂曰五福年八十有九壽終長子元彰德路儒學教授

舊志

方術傳

漢 犢子

犢子鄴人少在黑山採松子茯苓餌服之歷數百歲其  
顏時壯時老時好時醜陽都酒家有女眉生而連耳細  
而長衆以為異會犢子牽一黃犢過女悅之隨去人不  
能追也冬日嘗見犢子賣桃李市中

舊志

晉後趙 佛圖澄 單道開

佛圖澄西域天竺人姓帛氏居臨漳俗傳左乳旁有一  
竅通腹內以絮塞之至夜讀書拔絮光照一室齋時竅

中出五臟洗之還腹內善誦神咒役使鬼神以麻油和  
胭脂塗掌中千里外事徹見又能聽鈴音以知吉凶言  
事舉無不應石虎敬事之比死之日有人見於流沙旣  
殮虎疑其不能死因發墓開棺視之唯見一石虎在棺  
虎曰師葬我方去矣未幾石虎死

舊志與本  
傳小異

單道開燉煌人常衣麤褐或遺繒帛皆不著不畏寒暑  
晝夜不卧石虎時至鄴虎令佛圖澄與語不能屈也居  
臨漳昭德寺日服鎮守藥數丸其藥有松密薑桂茯苓  
之氣時復飲茶蘇一二升而已自云能瘳目疾就服者

皆驗行動狀若有神後至南海羅浮山年百餘歲莫知

所終

舊志

北朝

趙輔和

崔士順

齊

趙輔和清都臨漳人也少以明易善筮爲齊神武館客  
神武崩於晉陽葬有日矣文襄令文宣與吳遵世等擇  
地頻卜不吉又至一所筮遇革咸云凶輔和少年最在  
衆人後進云革卦於天下人皆凶唯王家用之大吉革  
象辭云湯武革命應天順人文宣遽登車顧云以此地  
爲定卽義平陵也有人父爲刺史得書云疾是人詣館

別託相知者筮遇泰筮者云此卦甚吉是人出後輔和  
謂筮者云泰乾下坤上則父入土矣豈得言吉果凶問  
至有人父疾託輔和筮遇乾之晉慰諭令去後告人云  
乾之遊魂乾爲天爲父父變爲魂而升於天能無死乎  
亦如其言大宣武平中筮後宮誕男女及時日多中遂

至通直常侍入周亦爲儀同隨開皇中卒

北史本傳新増

崔士順博陵人宦游鄴郡官至黃門侍郎順作大船浮  
水上爲激輪於堂層層各異下層刻木爲七人相對列  
坐一人彈琵琶一人擊鼗鼓一人彈箜篌一人搗箏一

人振銅鉢一人拍板一人弄盤衣之以錦繡進退俯仰莫不中節又作木僧七人衣以繪綵堂西南角一僧執香奩東南一僧執香爐僧伸手授香于行道僧僧乃舒手置香爐中遂至佛前作禮始行周而復始與人無異

奇巧機妙古未前聞

舊志

明

王永甯

王永甯字靖之臨漳張村一里人居北京朝天宮世廟嘉靖時召入內殿宣揚法事禱雨祈晴無不感應及北兵犯境命遣將驅伐所在有功賜以金章紫綬銀印封

清微輔道翊範通真真人年七十餘卒

舊志



流寓傳

漢魏

王

粲

徐

幹

陳

琳

阮

瑀

應

瑒

劉

楨

王粲字仲宣山陽高平人博物多識善屬文蔡邕見而

奇之嘗賓客盈坐聞粲在門倒屣迎之粲年既幼弱容

狀短小一座盡驚邕曰此王公孫也有異才吾不如也

吾家書籍文章盡當與之建安中遊居鄴下文帝為五

官將及平原侯植皆好文學粲與曹植徐幹陳琳阮瑀

應瑒劉楨並見友善稱七子焉

三國志本傳

徐幹字偉長北海人清元體道六行修備聰識洽聞操

翰成章輕官忽祿不耽世榮遊居鄴下魏文嘗與吳質  
書曰偉長懷才抱質恬淡寡欲有箕山之節可謂彬彬  
君子矣著論行於世

三國志  
本傳

陳琳字孔璋廣陵人始避難冀州袁紹使典文章袁氏  
敗琳歸魏太祖問之曰卿昔爲本初移書但可罪狀孤  
而已惡惡止其身何乃上及父祖邪琳曰矢在弦上不  
得不發魏祖愛其才而不咎軍國書檄多出琳手魏祖  
先苦頭風是日疾發卧讀琳所作翕然而起曰此愈我

病居鄴下號才子

三國志  
本傳

阮瑀字元瑜陳留人受學蔡邕初魏祖雅聞瑀名辟之不應連見偪促乃逃入山中因焚山得瑀爲記室常使瑀作書與韓遂時魏祖適近出瑀隨從於馬上具草書成呈之魏祖攬筆欲有所定而竟不能增損時論曰琳瑀之表章書記今之儁也號鄴下才子其子籍字嗣宗

三國志本傳

應瑒字德連汝南人祖奉字世叔爲世儒者奉子劭字仲遠撰風俗通漢官禮儀故事凡百數十卷劭弟珣字季瑜卽瑒之父也瑒至鄴下文名最著旣卒文帝曰德

連斐然有述作意其才學足以著書美志不遂良可痛

惜瑒弟璩璩子貞咸以文章顯

三國志本傳

劉楨字公幹東平人文帝為太子時以文章贈答辭旨

巧妙由是為諸公子所親愛太子嘗請諸文學酒酣命

夫人甄氏出拜生眾咸伏楨獨平視魏祖聞之乃收楨

滅死輸作

三國志本傳

北朝 盧 昶

魏

盧昶後魏度支尚書自范陽徙居臨漳樂善好施後六

世孫從愿為兵部尚書

節唐書盧從愿傳

南朝 垣護之

垣護之字彥宗略陽垣道人也族姓豪強石季龍時自  
略陽徙鄴祖敞仕苻氏爲長樂國郎中令伯父遵父苗  
仕慕容超並見委任護之少倜儻不拘小節形狀短陋  
而氣幹強果元嘉初爲殿中將軍隨到彥之北侵魏彥  
之將回師護之書諫彥之不納散敗而歸文帝聞而善  
之累遷鍾離太守隨王玄謨入河玄謨攻滑臺護之百  
舸爲前鋒進據石濟及魏救將至馳書勸玄謨急攻之  
不見從玄謨敗退不暇報護之而魏軍悉牽玄謨水軍

大艚連以鐵鎖三重斷河以絕護之還路河水迅急護之中流而下每至鐵鎖以長柯斧斷之魏人不能禁唯失一舸餘舸並全留戍麋溝城還爲江夏王義恭驃騎戶曹參軍戍淮陰領濟北太守還屯厯下孝武入討率所領馳赴帝以爲冀州刺史及南郡王義宣反護之妻弟與護之書勸使同逆護之馳使以聞率軍隨沈慶之等擊魯爽義宣率大衆至梁山與王立謨相持柳元景率護之及護之弟詢之等出鎮新亭護之水軍先發大破賊將龐法起元景乃以精兵配護之追討會朱修之

已平江陵至尋陽而還遷徐州刺史封益陽縣侯後拜  
青冀二州刺史鎮歷城大明二年徵為右衛將軍還聞  
竟陵王誕反護之即率部曲與沈慶之討平之轉臨淮

太守徙豫州刺史卒諡壯侯節南史本傳  
舊作垣護誤

唐 溫 佶

溫佶字輔國并州黎國公大雅四世孫安祿山亂往見  
平原太守顏真卿助為守計李光弼厚遇之後居鄴薛  
嵩薦之於朝授太常丞一謝嵩即去屏處郊野世人推

其高致節唐書本傳  
舊作溫佶誤

明

言得魁

言得魁山陰人天啟年授臨漳主簿後卽僑寓於此其子承游以臨邑入國學登崇禎己卯科順天鄉試

舊志